



REPÚBLICA DEMOCRÁTICA DE TIMOR-LESTE
GABINETE DO PRIMEIRO-MINISTRO

DISKURSU

HOSI SUA EXCELENCIA PRIMEIRU –MINISTRU

KAY RALA XANANA GUSMÃO

SEMINÁRIU HO OKASIAUN KONA BA INFORMASAUN

2 Jullu 2009

Ha'u hakarak hahú, hodi agradese ba hotu-hotu nebé hola parte aktiva atu organiza Seminário ida ne no mos atu facilita kona ba servisu diak tebes nebé halao ona.

Ha'u agradese mos ba sira nebé hakarak mai fahe sira nia konhesimentus ho ita i aseita atu sai konferensistas, durante loron rua neé.

Liu-liu, ha'u tenke temi Dr. Jorge Bacelar Gouveia no Sr. Andrew McIntyre, nebé de propósito mai husi Portugal no Australia, atu participa iha sessões sira ne, dedicadas ba Sistema de Informações.

Ha'u halo votos katak, bain-hira Conferências sira né remata, ita hotu bele kaer metin buat sira nebé importante husi intervenções oi-oin iha ne, hodi nuné, ita bele iha perspectiva ida nebé correcta kona ba papel sa-ida mak serviços iha mundo moderno né.

Convidados sira

Haré ba kotuk, ita sei lembra oinsá serviços inteligência associa ho buat nebé custuma temi nudar “hahalok foer”, tamba serviços inteligência sira né iha objectivo atu defende regimes politicos, liu-liu sira nebé autoritório.

Agentes serviços intelegênsia, ligado ho actividades repressão nian, atu izola ou, precisa duni, oho tiha adversários regime nian, i ba ida ne'e uza meios hotu-hotu, inklui mos meios ilegítimos atu halakon ka hanehan ema ka grupo nebe kontra poder nebe iha.

Iha ita nia rain mos, ita simu todan husi violasaun direitus humanus, nebé sira nebé kaer inteligência mak halo, hodi uza metodos mesak brutais atu reprime ita nia funu ba libertasaun no Independência Nasional.

Timor oan barak tebes mak sai vítimas husi metodos sira ne'e, hodi lakon sira nia vida ou hodi lori hela markas sira ne'e iha sira nia isin-lolon buat nebe sira sei la haluhan.

Maibé, buat sira ne'e hotu, pertence ba ita nia passado!

Agora, ita tenki haré ba futuru e, tamba ne'e duni, mak ita reúne iha ne'e, ohin no aban.

Buat nebe ita buka, hodi halao seminário ida ne'e, mak oin sa sociedade Timorensé bele sai esclarecida didiak kona ba kna'ar serviços informasaun nian, iha ita nia rain hodi fo hatene katak democracia mak ita nia referência principal, katak hanoin no hakalok hotu-hotu tuir valores democráticos.

Iha Estado democrático nia laran, serviços informasaun labele hanesan ho sira iha estados totalitários nia laran.

Iha Sociedades modernas, serviços informasaun halao sira nia actividade atu defende intereses nasionais i atu haré ba objectivos Estado nian, hodi iha kedas primeira linha defesa no seguransa ba Países sira, liu-liu sira nebé kiik hanesan Timor-Leste maibé ho recursos ka rico soi barak.

Atu fo garantia ba Estado kona ba saida mak rai seluk bele ka hakarak halao atu hamonu nia, ita tenki iha kbiit atu hetan informasaun nebé que credível no objectivo, mas ho nia tempo lolos.

La'os deit, bainhira ita haré ba ameasa externa, maibé mos, atu haré ba uma laran duni, kona ba ema hotu-hotu nebe halo actividades ho organizaçoēs criminosas, tamba ohin loron, organizaçoēs sira ne'e sempre iha ligaçoēs ba liur.

Serviços informaçoēs actua por anticipasaun, katak, tan ne'e duni mak nia missaun ka kna'ar atu preve no anticipa ba ameasas ba seguransa nacional Estado sira nian.

Serviços Nacional de Inteligência, naran inteligência ne'e, ita nia Parlamento mak decide fo ba ita nia serviços informaçoēs, SNI la serviço ba favor no ida ne'e ka ida nebé deit. SNI ba Estado iha halao nia kna'ar tuir Konstituisaun RD'TL, hanesan define ona iha SNI nia lei orgânica rasik.

SNI sei serviço hamutuk ho forças no serviços segurança no defesa nian, atu bele salva guarda Independência Nasional, interesses Nacionais hanesan mos seguransa Externas no seguransa

Interna, liu-liu kona ba prevensaun ba tipos criminalidade oin-oin, nebé bele estraga Estado nia direito nebé establecido ona, tuir ita nia Konstituisaun.

SNI, la hanesan serviços inteligêcia nebé uluk actua iha ita nia rain, tamba SNI la'os força Polisia nian, SNI la iha competência atu prende ema se deit, SNI la iha competência atu investiga se-se deit, se la hetan uluk autorizasaun, nu'udar cobertura legal, husi Tribunal competente ruma.

SNI recolha deit noticias, analisa dia-diak e bele processa nudar informasaun ona.

Maibé informasaun nebé vital duni ba sobrevivência estado nian, hodi nuné bele contribui ba segurança efectiva populaçoês nian ho sira nia sasán, atu sociedade ida né bele moris hakmatek no iha orden nia laran.

Ida né mak missão boot ba SNI: fo nia contribuição ba forças Defesa forças no serviço Segurança nian, atu sira né bele garante integridade territorial País nian, hasoru ameasas externas no internas.

SNI serviço ida ke rigorosamente apartidário, katak labele kedas tuir partido ida nebé deit. Ha'u sei la permite, bain-hira ha'u sei kaer Governo.

Ha'u temi tiha ona i temi dala ida tan: SNI servi deit ka exclusivamente ba Estado ho se -se deit mak sei mai kaer ukun !

Importante tebes atu sociedade Timorese simu no kaer metin mensagem ida né: SNI, tamba la hanesan ho buat sira nebé akontese iha kotuk nebé, la funciona atu reprime populaçoês sira, i sei la oprime ema sira nebé kontra karik poder político nebé ukun.

Iha estado Democrático, oposição ba governantes sira nebé eleitos legitimamente nunca bele hala'o ho violência; tamba né Estado nia resposta, ba contestação oi-oin nebé bele mosu, mós sei respeita ba princípio direito ba diferença hodi nuné bele hetan mós preocupação ba direitos humanus.

Objectivo boot husi Seminário ida né maka atu kria confiança entre serviço Nasional Inteligência no população konfiansa ida né, tenke hahú husi instituições no individualidades sira nebé iha responsabilidade directa atu kaer destinos Pas ida né nian.

Tamba né, mak husu participasaun husi detentores ka membros hosi Orgauns Soberania, husi Tribunais, husi partidos Políticos, husi igreja, husi imprensa no agências sira seluk, nebé mós kontribui iha vida loro-loron Estado né nian.

Importante duni atu ema hotu bele interioriza, katak kompriende no simu ho diak, SNI atu halo sa-ida, oin-sá mak, iha Estado demokrátiku, hanesan ita nian, elementos ka membros SNI nian sei actua.

Se hotu-hotu kapta ka simu mensagem ida né, ita hotu bele transmite ka hatutan ba sociedade tomak, atu povo mós bele konfia ba nia instituições sira, liu-liu konfia ba instituições nebé hetan responsabilidade atu garante nia segurança.

SNI iha, ha'u dehan fali tan, atu, hamutuk ho organismos seluk, mantéin paz no segurança ba ita nia País e atu fo garantia ba sociedade Timor tomak hodi bele moris iha harmonia ho dame nia laran.

SNI sei halo, tuir buat nebé lei dehan bele.

Atu remata, ha'u hakarak fo hatene katak, ha'u sei buka nafatin atu ba SNI meios hotu-hotu nebé SNI precisa, atu nia bele, ho eficiência no eficácia, kumpre missão nebé lei fó ba nia.

Iha necessidade duni atu suspende, iha tempo badak, actividade SNI i ha'u mak assume decisão ida né .

Agora, ami tama ona iha fase arranque. La kleur tan, SNI sei iha Director-Geral ida, nebé sei simu knar atu finaliza processo nebe la'ó dadauk – reorganização no reestruturação interna.

Ami hetan, desde início apoio ho cooperação diak husi serviços informação rai balun sira nian.

Hau hakarak iha ne'e, agradece ba Srs. Embaixadores Portugal no Australia, tamba sira apoia maka'as ba ita atu hari ita nia servicos informacoes diak ida, nebe tui valores democracia.

Iha futuro, ita sei koopera nafatin ho Paisés sira ne, i nune mos, ho rai seluk tan, nebe ita iha relacoes diak.

Ita nia objectivo mak SNI bele sai diak no forti, ho profissionalismo, atu contribui ba ita nia Timor-Leste bele reafirma-an nudar Estado Soberano ida.

Obrigado barak!